



Pou Piblikasyon Imedya: 25/10/2021

GOUVÈNÈ KATHY HOCHUL

**GOUVÈNÈ HOCHUL MANDE AJANS YO NAN ETA A POU YO PREPARE RESOUS
POU REpons DIJANS YO PASKE YO PREVWA ANPIL LAPLI PRAL MENASE
KÈK KOTE NAN ETA A JISKA MÈKREDI**

De seri previzyon gwo lapli pou kèk pati nan Vil New York, Long Island ak Mid-Hudson k ap kòmanse lendi swa ak kontinye jiska mèkredi maten

Kèk zòn ka resevwa kat oswa plis pous pandan lapli sou plizyè jou a

Gwo van ta ka lakòz pyebwa ak fil kouran tonbe, epi mete avèk gwo lapli, sòl satire ak van ta ka derasinen kèk pyebwa

Jodi a, Gouvènè Kathy Hochul te mande ajans yo nan Eta a pou yo prepare resous pou repons dijans yo akòz gen yon sistèm presyon ba k ap devlope ki prevwa kreye gwo lapli nan pifò Long Island, Vil New York ak rejyon Mid-Hudson. Gen de seri gwo lapli ki prevwa kote premye seri ap kòmanse lendi swa epi dezyèm seri a ap nan madi swa. Lapli total 2-4 pous avèk kantite ki pi plis nan nivo lokal la posib, epi to presipitasyon lapli a ka depase yon pous chak inèdtan pafwa. Gwo lapli mete avèk sòl satire deja yo pral gen chans lakòz inondasyon nan plizyè kote epi gwo van yo ka lakòz branch pyebwa ak fil kouran tonbe. Gwo lapli ak sòl satire ta ka lakòz kèk pyebwa derasinen. Gouvènè Hochul te ankouraje Nouyòkè yo pou yo kontwole mizajou pou previzyon kondisyon meteyo yo depre epi swiv nenpòt òdonans ijans posib yo ta ka pibliye.

"Sistèm meteyowolojik k ap deplase rapid sa a ta dwe pote gwo lapli nan rejyon sid Eta a jiska madi swa, epi Nouyòkè yo dwe rete vijilan sou previzyon an pou yo kapab prepare pou nenpòt move tan ki ka rive sou wout yo", **Gouvènè Hochul te deklare.**

"Mwen te deja mande ajans yo nan Eta a pou yo prepare tout resous repons djans yo epi pou yo rete pare pou deplwaye yo nan ka gouvènman lokal yo ak kominote yo nan rejyon sa yo bezwen asistans. Nou rete pare pou nou ede konpatryòt Nouyòkè nou yo".

Gen siveyans pou eklè rapid ki anvigè pou Long Island, Vil New York ak konte yo nan Rejyon Mid-Hudson ak toupre a jiska madi apremidi. Gen yon Avi Ofisyèl pou Van yo ki anvigè tou pou konte Suffolk soti madi apremidi rive mèkredi maten pandan rafal van jiska 50 mph ta ka lakòz branch pyebwa ak fil kouran yo tonbe, epi sòl satire apati gwo lapli ta ka lakòz kèk pyebwa derasinen.

Pou ou kapab jwenn yon lis konplè sou alèt meteyowolojik yo nan zòn ou an, vizite [sit entènèt](#) Sèvis Meteyowolojik Nasyonal (National Weather Service) la.

Preparasyon Ajans

Depatman Transpò (Department of Transportation, DOT)

Depatman Transpò Eta a prepare pou reponn avèk resous sa yo:

- 1,408 gwo kamyon abèn baskil
- 300 gwo chajè
- 77 ekskavatriis sou ray ak sou kawotchou
- 72 dechiktèz
- 20 aparèy pou fè nivèlman
- 16 kamyon aspiratè ak jè egou
- 14 ekip pou pyebwa avèk kamyon nasèl

Otorite Thruway

Otorite Thruway a genyen 656 operatè ak sipèvizè ki prepare pou reponn a nenpòt pwoblèm ki an rapò ak van oswa inondasyon nan tout Eta a yo avèk ekskavatriis ki piti pou rive nan sa ki gen tay mwayen yo, kamyon chasnèj/baskil yo, gwo kamyon chajè yo, pano VMS pòtab yo, poto limyè pòtab yo, jeneratriis ki pi piti yo, ponp ki pi piti ak trelè pou transpòte ekipman yo, ansanm ak aparèy siyalizasyon ak lòt aparèy kontwòl sikilasyon ki disponib pou nenpòt detou oswa fèmti yo. Yo itilize Pano pou Mesaj Varyab (Variable Message Signs) ak rezo sosyal yo pou avèti otomobilis yo sou kondisyon move tan pandan yo sou Thruway la.

Kantite ekipman ki genyen nan tout Eta a repati konsa:

- 228 Gwo Kamyon Baskil Abèn
- 124 Ti Kamyon Baskil Abèn
- 68 Gwo Chajè
- 29 Trelè
- 8 Vac Kamyon
- 9 Ekskavatriis sou Ray
- 10 Ekskavatriis sou Wou
- 9 Dechiktèz ak Bwòs
- 100 Twonsonez
- 25 Kamyon Ayeryen
- 23 Chajè ak Direksyon
- 87 Jeneratriis Pòtab
- 70 Inite Ekleraj Pòtab

Otorite Thruway (Thruway Authority) a ankouraje otomobilis yo telechaje [aplikasyon mobil](#) li a ki disponib pou telechaje gratis sou aparèy [iPhone](#) ak [Android](#) yo. Aplikasyon an bay otomobilis yo aksè dirèk ak kamera sikilasyon yo nan tan reyèl, enfòmasyon sou sikilasyon an nan tan reyèl, ansanm avèk asistans pou navigasyon pandan yo sou wout. Otomobilis yo ka enskri tou pou imèl [TRANSalert](#) ki bay dènye kondisyon sikilasyon yo sou otowout Thruway, suiv [@ThruwayTraffic](#) sou Twitter epi vizite [thruway.ny.gov](#) pou wè yon kat anime k ap montre kondisyon sikilasyon an sou otowout Thruway ansanm avèk lòt wout Eta New York yo.

Divizyon Sekirite Teritwa ak Sèvis pou Ijans yo (Division of Homeland Security and Emergency Services)

Biwo Jesyon Ijans Divizyon an ap siveye depre kondisyon meteyowolojik yo epi Sant Operasyon Ijans li an aktyèlman aktive. Divizyon an pral kowòdone nenpòt operasyon repons ajans eta a ki nesèsè ak rete an kontak avèk lokalite yo pandan jou k ap vini yo. Anplis de sa, Biwo Prevansyon ak Kontwòl Ensandi (Office of Fire Prevention and Control, OFPC) Divizyon an prepare pou kowòdone repons resous sovtajan nan dlo Ajans Eta a, sa gen ladan deplwaman Fòs Entèkansyon-2 Eta New York la (NY-TF2), ekip Rechèch ak Sovtaj Iben (Urban Search and Rescue) Eta a. NY-TF2 OFPC a ak ekip sovtajan nan dlo rapid ajans Eta a yo kapab deplwaye teknisyen sovtajan nan dlo rapid k ap opere bato sovtajan yo ak veyikil ki gen aks elve yo pou konplete ak sipòte kapasite repons lokal yo.

Department of Environmental Conservation

Ofisye Lapolis Pwoteksyon Anviwònman DEC yo, Gad Forè yo, anplwaye Jesyon Ijans yo, ak anplwaye rejyonal yo nan eta dalèt epi yo ap siveye sitiyo ki ap devlope a epi yo aktivman ap fè patwouy nan zòn ak enfrastrikti ki gen anpil chans pou yo sibi dega poutèt move tan. Tout resous ki disponib yo, ki gen ladan ekip rapid pou sovtajan nan dlo yo nan pozisyon pou yo ede nan nenpòt repons ijans.

Biwo Pak, Lwazi ak Konsèvasyon Istorik (Office of Parks, Recreation and Historic Preservation)

Lapolis Pak Eta New York ak anplwaye pak yo rete alètte epi yo ap swiv depre kondisyon metewolojik ak enpak yo. Vizite pak yo dwe gade [parks.ny.gov](#) oswa rele biwo pak lokal yo pou yo jwenn dènye nouvèl konsènan lè fonksyonman pak yo, lè ouvèti ak fèmti yo.

Depatman Sèvis Piblik

Sèvis piblik New York genyen apeprè 5,500 travayè disponib ki angaje nan evalyasyon domaj, efò entèkansyon, reparasyon ak restorasyon atravè Eta a. Pèsonèl nan Depatman Sèvis Piblik la yo pral retrase travay sèvis piblik yo ap fè pandan tout restorasyon apre tanpèt la epi pral asire ke sèvis piblik yo ap transfere pèsonèl ki apwopriye yo nan rejyon ki plis afekte yo.

Lapolis Eta New York

Lapolis Eta a prepare pou li deplwaye manm Patwouy anplis, jan sa nesesè, pou ede zòn ki afekte yo. Tout veyikil Lapolis Eta a ki espesyalize yo, tankou veyikil kat-pa-kat ak veyikil itilite yo (UTV) deja an pozisyon epi yo prè pou yo reponn imedyatman. Yo te teste tout ekipman alimantasyon elektrik ak ekipman kominikasyon ijans Twoup la yo.

Otorite Enèji New York la (New York Power Authority, NYPA) ak Canal Corporation

Otorite Enèji New York la ak Kòporasyon Kanal Eta New York la ap siveye kondisyon yo ak prepare tout resous entèkansyon yo. NYPA ak reprezantan Kanal yo gen kontak pwòch avèk pèsonèl ijans eta, konte, ak lokal yo. NYPA rete prè tou pou l voye anplwaye transmisyon NYPA yo ak lòt anplwaye pou al ede si sa nesesè. Canal Corporation ap enfòmè piblik la jan sa nesesè nan alèt Avi I ap bay Maren yo. Manm piblik la ka enskri pou resevwa avi sa yo isit la.

Otorite Transpò Metwopoliten

Otorite Transpò Metwopoliten an ap pran tout prekosyon ki nesesè pou pwoteje rezo transpò li a epi bay sèvis an tout sekirite. Tout ajans MTA yo ap travay depre ansanm, nan kowòdone avèk patenè lokal yo pou devlope plan yo si sèvis yo ta va afekte. MTA ap mete ekipman derechany esansyèl disponib davans toupatou nan tren yo, tren banlye yo, ansanm ak nan pon ak tinèl ajans lan. Nan tren yo, pèsonèl antretyen yo ap enspekte dren vwa yo nan zòn ki gen risk pou inonde yo, y ap verifiye epi mete an plas ponp vwa ak bwat kont tanpèt yo.

MTA ankouraje kliyan yo pran plis prekosyon lè y ap vwayaje pandan gen gwo lapli ak gwo van. Sa enkli pou mete plis tan pou deplasman, pran plis prekosyon lè ou ap mache sou platfòm yo ak eskalye yo, veye pou kondisyon glise yo epi rete veyatif pou branch bwa ak fil ki anlè yo.

Otorite Pòtyè (Port Authority)

Otorite Pòtyè a ap siveye kondisyon meteyowolojik yo. Restriksyon pou vitès yo gendwa an vigè nan pon yo, ansanm ak wout pou ale ak pou sòti nan kafou yo. Yo ap ankouraje pasaje atravè enstalasyon Otorite Pòtyè yo pou kontakte konpayi otobis ak liy ayeryèn yo dirèkteman pou dènye enfòmasyon sou reta ak anilasyon. Pou dènye enfòmasyon yo sou etablisman Otorite Pòtyè yo, tanpri tcheke rezo sosyal yo, enskri pou alèt PA yo oswa telechaje youn nan aplikasyon mobil PA yo.

Lòt konsèy sekirite

Prepare pou kondisyon meteyowolojik ki grav:

- Konn konte kote ou rete a epi non vil ki toupre yo. Yo bay avètisman sou move tan vyolan yo pa konte.
- Chèche konnen wout ki gen mwens danje a pou soti lakay ou oubyen biznis ou, pou rive sou teren pi wo ki pa gen danje sizoka ou dwe kite nan prese.
- Si yo konseye pou w evakye, fè sa touswit. Pran sèlman atik esansyèl yo epi mennen bèt nan kay yo avè w si sa posib.
- Devlope epi pratike yon plan "evakyasyon fanmi" epi idantifye yon espas rankont si manm fanmi an vin separe.
- Evite kondui oswa ale deyò pandan tanpèt. Inondasyon ak van destriktè ka rann vwayaj la danjere.
- Si ou dwe deyò, pa mache nan dlo k ap koule. Sis pous dlo k ap kouri rapid ka fè w pèdi kontwòl pye w.
- Si w dwe kondui, sonje: "Retounen, Pa Nwaye!" Pa kondui nan wout inonde piske yo dlo k ap kouri ki sèlman nan de pye ka pote machin yo ale. Si veyikil ou a bloke nan dlo k ap kouri rapid, rete nan veyikil la. Si dlo a ap monte anndan veyikil la, chèche refij sou do li. Pa kondui konte ki gen baryè sou wout.

Kenbe twous katastwòf la sou men, avèk ladan:

- Flach ak pil siplemantè
- Radyo ki fonksyone ak batri ak batri ekstra yo
- Twous premye swen ak manyèl
- Manje ak dlo pou ijans
- Kle ki pa elektrik pou ouvri kanèt yo
- Medsin esansyèl yo
- Chekye, lajan kach, kat kredi, kat ATM

Si moun New York yo ap eksperimante yon entèripsyon kouran, moun New York yo ta dwe:

- Fèmen oswa dekonekte gwo aparèy ansanm ak lòt ekipman yo, sa vle di, òdinatè yo, nan ka yon sichaj elektrik momantane ki kapab andomaje aparèy sa yo. Kite yon limyè limen pou ou konnen lè kouran retounen. Konsidere itilize pwotektè kont wot tansyon tout kote ou itilize ekipman elektwonik.
- Rele konpayi itilite ou la pou ou fè yo konnen pa gen kouran epi koute emisyon radyo lokal ou yo pou enfòmasyon ofisyèl yo. Pou yon lis konpayi itilite yo, vizite Depatman Sèvis Piblik la.
- Tcheke pou w wè si vwazen w yo gen kouran. Voye je sou moun ki gen bezwen aksè ak bezwen fonksyonèl yo.
- Itilize flash sèlman pou ekleraj nan ka ijans – bouji ka lakòz dife.
- Kite pòt frijidè oswa frizè yo fèmen - pifò manje ki mande refrijerasyon yo ka rete nan frijidè an tout sekirite pandan plizyè èdtan. Yon frijidè ki rete

fèmen pral kenbe manje yo frèt pandan apeprè kat (4) èdtan. Yon frizè ranpli pral kenbe tanperati l pou apeprè 48 èdtan.

- Pa itilize gri chabon anndan kay epi pa itilize fou gaz pou chofe kay la – yo ka emèt yon kantite monoksid kabòn ki danjere.
- Pandan tan frèt la, rete ocho lè ou mete plizyè kouch rad epi minimize tan ou pase deyò. Fè atansyon a sentòm estrès fredwi lakoz yo (tankou ipotèmi) epi chache jwenn swen medikal apwopriye si ou vin gen sentòm sa yo.
- Si ou nan yon bilding ki wo, pran mach eskalye epi ale nan nivo ki pi ba nan bilding lan. Si w bloke nan yon asansè, tann asistans. Pa eseye fòse ouvr pòt yo. Rete pasyan - gen anpil lè anndan asansè a epi li fèt pou sekirite pasaje yo.
- Sonje bay bèt domestik ou yo dlo fre.
- Elimine vwayaj ki pa nesèsè, sitou nan machin. Siyal sikilasyon yo pral sispann fonksyone pandan yon entèripsyon, sa ki ap kreye anbouteyaj ak kondisyon ki danjere pou moun kondui. Si ou dwe kondwi pandan yon blakawout, sonje obeyi règ pou kanpe nan entèseksyon ki gen 4 vwa yo ak siyal sikilasyon ki pa fonksyone.
- Sonje ke ekipman tankou ATM ak asansè ka pa fonksyone.

Pou plis konsèy sou sekirite, ale sou sitwèb Divizyon Sekirite Enteryè ak Sèvis Ijans (Division of Homeland Security and Emergency Services) Eta New York la [isit la](#).

###

Lèt nouvell disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418

[ANILE ENSKRIPSYON OU](#)